



## Dumondas frequentas en connex cun la revisiun parziala da la Lescha davart las scolas popularas 2024

En quest document vegnan respundidas dumondas en connex cun la revisiun parziala da la Lescha davart las scolas popularas 2024 sco er davart sia realisaziun. Il document da dumondas frequentas (FAQ) vegn adina puspè adattà e cumplettà.

*Stadi: 21 da favrer 2025*

### ORGANISAZIUN DA LA SCOLA

#### Scolina

Lecziuns		<b>Èsi sin il stgalim da la scolina pussaivel da cumpensar l'instrucziun dal suentermezdi cun cuschar regularmain sur mezdi?</b>  Gea, vi da la pratica vertenta na sa mida nagut.
Obligatori	Art. 10 LSP	<b>Pon las persunas responsablas per l'educaziun che n'han betg laschè frequentar lur uffants la scolina e che han tschernì ina soluziun privata empè da quai, cuntinuar cun questa soluziun durant l'onn da scola 2025/26 malgrà l'obligatori, pia en il senn d'in temp transitoric?</b>  Na.
Obligatori	Art. 41 LSP	<b>Sto – sin fundament da l'obligatori – er vegnir emess in attestat per la scolina (en il senn da: Il discurs da giudicament ha già lieu)?</b>  Las scolaras ed ils scolaras dal stgalim primar e dal stgalim secundar I vegnan giuditgads regularmain. Sin il stgalim da la scolina na vegn emess nagin attestat.

3. onn da scolina	Art. 12 LSP Art. 8 OSP	<p><b>I n'è betg obligatori da consultar il Servetsch psicologic da scola, sch'ina scolara u in scolar sto repeter ina classa dal stgalim primar. Vala quai er per frequentar in 3. onn da scolina?</b></p> <p>Uffants che han cumplenì il 7avel onn da vegliadetgna fin ils 31 da december, entran en il stgalim primar per il cumenzament da l'onn da scola dal medem onn chalendar. Sch'in uffant n'entra betg – sco previs – durant il 7avel onn da vegliadetgna en il stgalim primar, èsi necessari da consultar il Servetsch psicologic da scola.</p>
-------------------	---------------------------	---

#### Mesiras da la pedagogia speziala

Furmas da la scolaziun e da la promoziun	Art. 46 LSP	<p><b>Èsi tenor la revisiun parziala puspè pussaivel da manar classas d'introducziun?</b></p> <p>Na, en la debatta ha il Cussegl grond decidì da betg realisar l'incumbensa Claus sco previs en la missiva.</p>
Garanzia da la purschida simpla da la pedagogia speziala	Art. 47 LSP (Art. 46 OSP aboli)	<p><b>Èsi pussaivel da porscher vinavant la promoziun integrativa prevenziun?</b></p> <p>Gea.</p>

#### PERSUNAS D'ISTRUCZIUN

##### Engaschament ed obligaziuns

Permissiun da dar scola	Art. 57 LSP	<p><b>Tenor tge prescripziuns (vertentas u futuras) ston las dumondas per permissiuns da dar scola vegnir fatgas a partir da l'onn da scola 2025/26?</b></p> <p>Las persunas d'instrucziun che han terminà cun success il nov «studi da bachelor scolina e scola primara (1./2. classa)», na dovran – a partir da l'onn da scola 2025/26 – nagina permissiun pli per instruir la 1. e 2. classa primara. Perquai ch'il termin da referendum n'è anc betg scadi, n'è il conclus da la Regenza respectiv actualmain anc betg avant maun. En cas da basegn vegnan ulteriuras categorias pussaivlas integradas en il conclus da la Regenza respectiv.</p>
-------------------------	-------------	---

Facilitaziun da vegliadetgna	Art. 62 LSP Art. 59 OSP	<p><b>Èsi pussaivel d'arrundar si la facilitaziun da vegliadetgna p.ex. dad 1,5 lecziuns sin 2 lecziuns e da far ina deducziun da salari correspondent?</b></p> <p>Sche pussaivel e raschunaivel duai la facilitaziun da vegliadetgna adina vegnir retratga sco «distgargia» en furma d'ina reducziun dal pensum.</p> <p>La finala fai dentant part da l'incumbensa, da la responsabladad e da la cumpetenzza dals purtaders da scola da decider, tge model u tge cumbinaziun da models che vegn realisà. I vegn recumandà da discutir ad ura las pussaivladads da distgargia cun las personas d'instrucziun pertutgadas.</p>
Facilitaziun da vegliadetgna	Art. 59 OSP	<p><b>Co è reglada la facilitaziun da vegliadetgna per ina persuna d'instrucziun che lavura tar dus differents purtaders da scola?</b></p> <p>La facilitaziun da vegliadetgna vala er per personas d'instrucziun ch'èn engaschadas tar plirs purtaders da scola. A las personas d'instrucziun da la scola populara, ch'èn engaschadas tar plirs purtaders da scola e che han in pensum total d'almain 65 %, recumandain nus d'infurmar a temp ils purtaders da scola davart la situaziun.</p>

## Salarisaziun

Tabella da salarisaziun	Art. 66 LSP	<p><b>Cura vegn publitgada la nova tabella da salarisaziun per las personas d'instrucziun da la scola populara publica?</b></p> <p>Suenter che la Regenza ha prendì il conclus davart l'entrada en vigur da la revisiun parziala da la Lescha da scola.</p>
salarisaziun minimala (termin)	Art. 66 LSP	<p><b>A partir da cura valan las novas tariffas da la salarisaziun minimala?</b></p> <p>Las tariffas da salarisaziun minimala adattadas valan a partir da l'entrada en vigur da la revisiun parziala da la Lescha davart las scolas popularas, q.v.d. a partir dal 1. d'avust 2025. Quest mument vala independentamain dal cumenzament da la relaziun d'engaschament.</p>

## FINANZIAZIUN DA LAS SCOLAS

Contribuziuns dal chantun e da las instituziuns ch'èn responsablas per la scola

Contribuziuns pauschalas a champs da classa, ad emnas da project ed ad excursiuns	Art. 15 LSP Art. 68a OSP	<b>Tenor l'art. 15 da la Lescha da scola dastga il purtader da scola incassar da las persunas responsablas per l'educaziun ina contribuziun adequata per viadis da scola, excursiuns sco er champs da classa. Dastga il purtader da scola adina incassar ina contribuziun (tranter 10 francs e 16 francs) da las persunas responsablas per l'educaziun.</b>
Contribuziuns da las persunas responsablas per l'educaziun		L'artitgel 15 LSP vala vinavant.
Contribuziuns pauschalas a champs da classa, ad emnas da project ed ad excursiuns	Art. 15 LSP Art. 88a LSP	<b>Dastga il purtader da scola incassar ina contribuziun mo, sche l'activitad vegn cumbinada cun ina pernottaziun externa?</b>
Contribuziuns da las persunas responsablas per l'educaziun		Na, l'artitgel 15 LSP vala vinavant. Il chantun paga mo contribuziuns als custs dals purtaders da scola per realisar champs da classa da plirs dis, emnas da project u excursiuns cun pernottaziuns externas. La cumprova da pernottaziuns externas sto vegnir furnida.
Contribuziuns pauschalas a champs da classa, ad emnas da project ed ad excursiuns	Art. 15 LSP Art. 68a OSP	<b>Tge custs maximal dastgan vegnir mess a quint a las persunas responsablas per l'educaziun, ultra da las contribuziuns da promoziun chantunalas per champs da classa da plirs dis, emnas da project u excursiuns cun pernottaziuns externas?</b>
Contribuziuns da las persunas responsablas per l'educaziun		Tenor la decisiun dal Tribunal federal dals 7 da december 2017 (2C_206/2016) importan ils custs maximal imputabels tranter 10 e 16 francs per scolara u scolar e per di.
Contribuziuns pauschalas a champs da classa, ad emnas da project ed ad excursiuns	Art. 88a LSP	<b>Paja il chantun per in champ da classa da glindesdi fin venderdi per 5 dis x 20 francs u per 4 pernottaziuns x 20 francs per scolara u scolar resp. vegnan mo pajadas contribuziuns per ils dis cun ina pernottaziun externa?</b>
		Per in champ da classa da glindesdi fin venderdi paga il chantun contribuziuns dad 80 francs (4 pernottaziuns à 20 francs) per scolara u scolar. Per classa vegn la contribuziun chantunala limitada a 1500 francs per onn da scola. Ils purtaders da scola pon dentant decider sezs, quants champs, quantas emnas da project u quantas excursiuns ch'els vulan manar tras.

Contribuziuns pauschalas a  
champs da classa, ad emnas  
da project ed ad excursiuns

Art. 88a LSP

**Èn decisivas mo las pernottaziuns per las contribuziuns dal chantun?**

Gea, il chantun paja contribuziuns mo ad activitads che vegnan realisadas cun ina pernottaziun externa. Il purtader da scola sto cumprovar las pernottaziuns externas.